

續修四庫全書

《續修四庫全書》編纂委員會編

續修四庫全書

上海古籍出版社

一三九九・集部・別集類

楊園先生詩文二十四卷〔清〕張履祥撰……………一

九煙先生遺集六卷〔清〕周星撰……………三八一

巢民詩集六卷 巢民文集七卷〔清〕冒襄撰……………四七七

重訂楊園先生全集
五十冊
卷一

同治歲次
辛未江蘇
書局刊行

張楊園先生遺像



擇善為心慎獨為學
溫潤栗然和裕嚴恪
遇熱不趨遇險不卻
俛仰泰然不媿不怍

秦谿何汝霖拜題

楊園先生全集卷之一

門人吳江姚 璉原輯

後學興國萬斛泉編次

騷

有所思四首

若有人兮山之幽欲往從之兮阻且修吁嗟風雨憔悴兮

曷云其修

若有人兮水之洲欲往從之兮沔悠悠吁嗟江漢則宗兮

曷云其悠

若有人兮道之周延佇獨望兮誰適與謀吁嗟一日相見

楊園先生全集

卷之一 騷

一

若有人兮皇之州鳴佩將將兮君子好逑吁嗟願言則駕

兮以邀以遊

擬招五首

顏子士風今時賢士也予與之交易十三寒暑無

幾微閒忽然云亡予悲不能已又悲士風之抱志

以終不獲見於世也爲詞招之招曰

魂乎歸來兮白日未暮兮壯志安酬何丈夫之生世而忽

焉其休

魂乎歸來兮舉世行僞兮君心則憂何頑眾之未革而浩

平遠遊

魂乎歸來兮詩書盈積兮纂述焉周何主人之不見而遺

此空樓

魂乎歸來兮窮交一志兮爾汝其猶何中道之相失而忍

子無儔

魂乎歸來兮老者泣望兮幼復悲求何量量之靡立而能

此春秋

五噫

過顏氏廢墟

繁華往日兮噫蓬草參差兮噫厲階誰作兮噫外侮其殷

楊園先生全集

卷之一 騷

二

詩

烏夜啼二首

烏夜啼子母一枝栖子母一枝栖如何夜夜啼

烏夜啼母將去子子獨栖母將去子子獨栖朝來還復啼

同遊不同意

鴻鵠舉四海雁鷺爭稻梁豈不號同羣所願非一方

浩歌

止君坐歎聽我浩歌天地則久古人無多日賢與聖孔子

孟軻寥寥百世嘯與鳴和聞有作者彷彿四科我生其後

願言則那方袍申申修冠峩峩仰視日月俯觀山河思昔
先王伐柯伐柯我之哀矣則維其何普天之下宋朝祝鮀
巧笑不恥猶舞僇僇一旦中國汎如洪波爰駕二螭驅彼
鼉鼉東臨滄海西出滹沱匹夫歡樂遊子安坡與君高揖
偃息山阿振手狂樂不知其他

重九日

客邀于此日相與躡邱阿辭之得幽獨浩然撫絃歌三山
五老豈不悅何必勞勞事登陟簞身上與秋陽齊泰華崧
嶽皆施芻

赴壬午試抱關問稅作以諷之

楊園先生全集

卷之一 詩

三

席珍隆如■待價傲連城獨恃皇仁大津關無稅名

市柏

邑市喧稠有柏森立過而感之

先生挺孤貞託根乃伊邇晝見千夫勞夜聞羣柝止風雨
滌其煩星霜固其趾亭如長自芳罔識歲終始應有鬼物
依枝柯不能毀將古大隱流日日處塵市

原校先生疑當作柏生

野步

芳草紛紜藉麥苗餘紅閒雜柳枝條漁舟半出犀溪右板
擊聲聲過野橋

犀溪子家北

有感偶成

君不見南山有鳥名雉雞雨不求食愁沾泥北山有鳥名
鷓鴣嗜欲已極鳴中宵一朝相見愛其羽藏匿形容學鷓
鷓更令二雛與之遊遂託知交在肺腑鷓將遠行攬木蠅
反從鷓雉聚候糧雉饑念鷓報乾樵慙慙一飛沉滄浪滄
浪之水流不息行人顧之爲悲傷鷓鷓歸來飽且逸不復
吝嗟弔其恤坐看子母零雨風啄粟靡從啼日月迺有歲
稔腐鼠羣猶助鷓鷓取子術雉之孤子鳴哀哀寧取我身
無毀室嗚呼之子勿怨鷓努力高巖豐羽毛君不見雙翼
旣垂尾旋薄王孫橫怨關烏號

無題

楊園先生全集

卷之一 詩

四

舉世笑尾生尾生寧易得身輕然諾重一言不可食食言
雖或肥守身務繩墨壘畝猶有疆布帛亦有幅云胡覩斯
人二三其爲德永懷古之人助哉

母諱四首

嬰兒失其母中夜號不止云胡更二毛食息猶如此
精力未宜衰劬勞爲二稔父責志百端繼述■何子
凡母之訓言兒未能遵者不忘以終身子孫世傳寫
茹荼十三年菽水無一日日往不可追悔恨總無及

和程巽隱先生惜日短詩

有序

立風其激萬樹號摧哀庾老之江頭感楚臣之歸

遠文學六七酌酒告子乃引觴而歌曰鴻雁兮孤
飛鬱長雲兮晝無暉懷佳人兮迷望憶往日兮芳
菲又爲之歌曰雨雪兮霏霏流舟兮何依天若垂
兮將問怨閨闔兮凝扉於是聞者各有歎也爰舉
昔日之目續西溪之遊率爾成詠唱和遂繁嗟乎
梧棲雖謝井邑未空倘有後賢先生其可作也奚
懼風流欲歇寂寥三百年乎車馬贈齋繻斯賦詠
考夫張履祥序

木葉改榮落相將又一年所業未殊昔徒爲悲逝川初謂
不復爾漸至乃依然聞道果何日詩書自簡編春秋三十
楊園先生全集 卷之一 詩 五

六不久成華顛攬衣起徘徊明發期先鞭
千古英雄血無非泣盛年狂瀾奔極海百憂障東川道遠
馬無力撫劍心惕然往昔亦人爾日星炳遺編我獨何爲
者愁長欲素顛夷吾事業微猶思爲執鞭
歲月向無邁吾嘗亦少年臨風隨茂樹觀水立晴川自罹
憂患後百情已冷然閉門誰與俱求友惟青編其人皆不
死招我泰山顛所期日未暮不在黃金鞭
天地自開闢不知今幾年人生暫一過酒如汎百川日夜
去不息古今日暮然萬物歸何所名跡遺陳編前者骨未
朽後已白在顧何心名利場駕馬復揚鞭

附程原韻 并序

歲十二月二日同諸友訪環中老鮑恂於西溪
隱居蒙畱欸談論歡洽豈無一言以紀之遂命
題云各賦一首嗟夫在心爲志發言爲詩觀其
所作蓋可見矣

我志在千古此生無百年百年亦苦短白日如奔川光
陰旦復旦把鏡心茫然歷看古賢傑勳業昭簡編安能
不努力坐待雪滿顛義和駕六龍爲我遲遲鞭

歎馬二絕贈趙公簡

海內無爭戰芳郊聘薄蹄何顏隨朔產昂首學長嘶

楊園先生全集 卷之一 詩 六

豈有千里心所戚惟窮老屢鞭腹自饑躑躅悲荒草

丙戌秋友人自越來公簡寓書曰惟陶徑管席可以自
安予拜而志之不敢稍忘蓋懼三徑之蕪爲賢友割席
也今忽三載公簡將遠行因錄贈行適姚子大也至言

及言遠書益爲之感言遠時將至廣州任與大也書曰
意當在割席之列不敢通
候見時希爲致問故云

上達詩

一從絕頂望雲霄一墮窮巖歎寂寥今日相悲何太遠不
知分手在山腰

廣居詩

進趨二帝三王後揖讓周公孔子前亞聖大賢皆左右相
觀復姤與坤乾

會祝孝廉葬阻雪二首

一邱封作孝廉墓風物千秋懷古情多媿故人貧病追馳

驅冰雪獨陳兄時予以無舟遂行二日仲木臥病敵湖發引時惟乾初父子上下山坂十餘里

師門問學吾徒共七尺全歸志獨深猶憶姑蘇終夜雪相

期不屈季通心先師書云世人以七尺爲性命吾人以性命爲七尺孝廉志之。崇禎癸未孝廉被逮于送之吳門時亦大雪

旅歎二首

終年旅處義何如假託陶公乞食詩自訟朝來無一事那

楊園先生全集

卷之一 詩

七

堪燕息任蚩蚩

三復陶公乞食詩寸心豈有暫寧時勤勤冥報誠何意坐

令韶光空自馳

宿山中

明月不改色青山留舊顏故人零落盡臥聽水潺潺

閏七月七日

時賢巧已多變化窮鬼物猶病術未工一秋而再乞子獨

抱拙遊遼眾應來艱絨舌戒觸藩服疇遠施尉拙學不自

嫌甘心在長屈屈伸靡定門守之彌屹屹

題王介甫詩後

介甫詩曰周公恐懼流言曰王莽謙恭下士時假
使二公身早死一生一作此中真僞有誰知

周公自有周公志王莽終懷王莽情勿謂隱微人不見千

秋公論日星明

惜往日

平生心志用何方齒落顛華日夜傷一息尙綿知覺在不

難傾否力爲臧

思將傾否力爲臧檢點平生益自傷端爲有知皆害義納

之規矩莫非狂

此心非果欲爲狂信謂維皇授我良讀罷遺經旋內省始

楊園先生全集

卷之一 詩

八

知厥疾中膏肓嘗爲良知之學十年故云

既驚厥疾在膏肓尙自徘徊歧路傍非爲舊牽陰護惜却

因簞豆未能忘先後爲舉業之師十年

簞豆雖云未易忘命爲之制義爲防壯年舉足成迂謬逝

者如斯已弗遑

感逝于今固弗遑不聞懲戒耄猶強修身以俟儒家訓得

正何須計短長

長年敗德孰如殤惴惴應猶過獨梁大道四通皆砥矢驅

車郊野睹康莊

康莊之道古今同還問曾施克復功克己未難難復禮周

行不遠未能從

感遇二首

自昔墾碭田力疲鮮所獲今茲受草萊朝暮不遑適反覆
已四三根盤匪易闕筋骨豈當愛鉗基未之惜嘉種無新
機莠勢轉充斥自分農家流服勤乃長策水旱會有時登
賊數庸庀惟願苗畲成主伯蒙其益亦令繼自今動免怨
疆場敢希樂郊人歲取禾三百

長途望不極白日亟西馳敝車駕羸馬僕夫力已疲故人
意欵曲執手語移時壺飧陳道左復申以多儀多儀自古
重壺飧奚獨私饑渴非不慰所憂道逶迤暝色接衣袂惻
惻其安之終焉悔靡及云何久躊躇

楊園先生全集

卷之一 詩

九

贈屠子

屠子昏禮成衣冠見師傅肅儀趨席端徐述嚴君諭氣下
色已怡旋折無矜步兄弟相後先翩然美無度世教日陵
夷相鼠羣諱惡斯風久已微君家獨守故過庭聞幼儀讀
書賤文賦義訓唯弓裘虔戒乃馳騫重君恭敬心而辭其
禮數拜揖非具文將以達情悵病餘苦筋力朴野遂成痼
受施報必時或恐至遲暮亦恥艾渺聞閑家失於素何以
答君心周南正始句

偶占

風雨兼旬塞張寄一編靜對日黃虞興來適爾靚晴色水
滿前川花滿區

問禽

寒光已逼人慵起雞聲未已烏聲催凡物有知皆樂旦因
思百蟄候行雷

卜居

覆載何寬慮買鄰斯人猶是古之民反躬靡玷羣知敬力
學敦和神所珍

遇災二首

長虛貯粟亦何憂滿目饑窮幾有秋力穡不逢天匪虐懲
楊園先生全集

卷之一 詩

十

今疆畝備應周

小麥猶青大麥枯情均水火望來蘇蒼天解得生民意交

夏晴照風雨無

故居二首

冥居同是古先民豈曰人情忽變今大德有容平物我天
涯皆可睦爲鄰

天涯猶可睦爲鄰何況生初日與親責已責人輕重處失
終由己匪由人

酬友人二首

二十年前謀拙學應憐頭白得其門途長日暮將焉屆猶

願知交共講論

關中大禮昭天地洛閩遺書二曜存無忝所生今日事紛紛同異後人論

附原詩

三十年來兄弟好於今能得幾人存相逢雨雪寒城夜白髮燈前仔細論

傷離歎逝無須爾喜極君能爲道存且盡燈前杯酒意他時同異再深論

又附何商隱擬酬二首

拙學沾沾幸得門艱危不意此身存大冬嚴雪今何夕

楊園先生全集

卷之一 詩

十二

白首相知喜共論

閩洛分明沂委源羹牆千古此心存後人自是多同異我輩還期勿重論

偶占

中天星月正輝輝忽苦陰雲障四隅猶藉疾風遄捲力戶庭光徹映書幃

漁父

昨夜絲綸有未收鄰翁篝火放漁舟曉風非不寒侵骨自昔勞勞到白頭

答友人見規四首

邱子季心屢以未有講學輔仁之益來責書此答之

爰追往事都成悔懸揣方來無盡憂力學不堪悲老大躬行未有一能修

學之不講是吾憂若涉津涯何處求惟有返躬知履錯敢騰口說起恒羞

朋友之交道若何相觀而善益爲多韋弦自是終身事藥石焉知不長疴

作聖作狂方寸取爲真爲僞夢魂知悠悠世論何心顧祇痛簷光一瞬移

楊園先生全集

卷之一 詩

十三

謝友

七月戊申同錢雲士問醫語溪三日風雨疾載作方苦支離朱回津投子竹杖賦以謝之

本以求醫往新疴未藥生扶顛仁者意懷惠小人情

凡物何珍異珍其利體膚逾年衰轉迫藜杖弗堪扶

爲子製藜杖私謂十年可以相依不意遽衰便須謝去

竹馬童年事依稀昨日情兒癡憂未識尙慮竊之行

少壯逢山水攀虛類鳥棲只今平地踏時抱履冰虞

夏五苦溢聞沈德甫計

積雨沉陰越再旬維皇豈果厭斯人忽傳野老投函語痛

惜橫流亦久淪

靈雨初霽得顧貞女傳

睡覺天光已向晨維皇固自愛蒸民讀終貞女捐生卷幽
閣偏能破大倫

有感

歎息吾衰道不聞庶幾共學與斯文云胡否塞同天地參
貳東西各喪羣

同趙二阻雪宿邵家灣邱老家

己酉閏十月下同

攜琴擬向萬蒼中流水高山四座同豈爲丈人將止宿故
施冰霰夾西風

楊園先生全集

卷之一 詩

三

斗酒難將壯志酬談兵說劍不能休漁樵莫及興亡事故
李將軍竟白頭

同趙二入山訪何商隱王寅旭呂

庚戌

乾坤寥廓有吾徒猶幸於今道未孤風撼萬松濤並海雨
傾眾壑瀑奔湖躋登原枝一作攀心急衰如健拄杖行徐顛得
扶原枝一作拄杖爲問三餘功幾許星回庶物尙新圖

酬徐堅石

落莫誠吾分饑年藉館餐玩心惟古訓盈耳亦先傳霜白
秋方粟花殷春復殘願言弘道力無令著書繁

附原詩

張公何落寞陳叟大摧殘痼疾仗兒僕窮愁耐館餐春

山當戶靜秋月到庭寒衰老稀新著周流憶舊歡

陳叟初也久疾不愈

壬子仲秋許大辛過半邏候予不至留詩一章末有

閔農之句述此以答之

閔農初望雨插植苦不前植之未成苗飛蝗忽至焉趨趨
蟻旣出憂心殆已煎八月霖雨作溝渠成巨川車戽兼晨
夜伊誰敢息肩所冀雨減蝗庶幾小有年重經水旱後殘
喘或得延豈知禍尤篤降此蟲萬千集根苗遂槁集榦穗
失鮮初猶十二三漸乃靡一全彌望皆朽折西陌接東阡
楊園先生全集 卷之一 詩 古
蒼天誠何意斯民日顛連仁愛寧異古必也民多愆我友
其敬矣三復有皇篇

觀物偶占三十九首

閒居觀物理理在是爲天淑愚微分際端爲禍福先
閒居觀物理理本是天然爲馬首須絡爲牛鼻乃穿
閒居觀物理理可默無言浩浩江河逝昭昭日月懸
閒居觀物理物執重難勝輕重權廢失天之理卽微
閒居觀物理理得失豈爭多何以怨尤泯人疴作我疴
閒居觀物理理感物物隨通將達天涯問銀燈早結紅
閒居觀物理理得是閒居苦樂語集燕逸勞穿藻魚

閒居觀物理物以嗜爲馨雙蝶隨芳舞羣蟻自逐腥
閒居觀物理何物恃成形蜨以穴而化腐者乃爲螢
閒居觀物理物味正宜探不厭酸辛苦如何便得甘
閒居觀物理試向樹頭看取新先去故華約子斯繁
閒居觀物理理顯一庭中雨露均天地榮衰自不同
閒居觀物理物見其情蜂隨原枝一作從蜂侶過蟻逐眾蟻

閒居觀物理理即紙窗形一隙微通處乘除已不停
閒居觀物理無不燦然呈花發蜂隨至雲開鳥弄聲
閒居觀物理有物理分明勺泉蟲逐產撮土草隨生

楊園先生全集

卷之一 詩

五

閒居觀物理果實見天心剝窮還向本自古至於今
閒居觀物理有物苦塵封朝來曾拂盡未幾已重重
閒居觀物理物只定於初發軔迷周道徒勞將大車
閒居觀物理理只砥如平谿谷窮攀躋何如周道行
閒居觀物理理以物而形流峙觀山海昭回觀日星
閒居觀物理何物不相求好鳥鳴高樹新蘿結小樓
閒居觀物理萬理本天然試問寒梅發幽香孰與傳
閒居觀物理置物物之宜特達誠非過充庭豈有私
閒居觀物理物物愛天光廡下纖微草萌芽已向陽
閒居觀物理百穀隱於泥葆此凝寒節春風綠滿畦

閒居觀物理理在返諸身物物求斯得誰非橫目民
閒居觀物理生理自存存非以仁嗣續根苗長子孫
閒居觀物理物以大爲君大小勢相倚安危理不分
閒居觀物理物智日相高曷若循恒理爲能省百勞
閒居觀物理節物至幽居百卉芳猶競櫻桃薦已餘
閒居觀物理萬物一乘除天地初何意榮衰會有時
閒居觀物理物物位難移東物將西置西東兩失宜
閒居觀物理物物勢如奔愛惡相攻取從明直達昏
閒居觀物理理亦豈難觀飲食因饑渴裘絺爲煥寒
閒居觀物理妙理盡於閒谷遠涓泉出雲行亦自山

楊園先生全集

卷之一 詩

六

閒居觀物理物理自平平春先百舌語秋至草蟲鳴
閒居觀物理理罔間斯須物物相消長凝眸已密移
閒居觀物理體物理無遺纖入豪芒際其宏及二儀
丙戌吟 改本

欲求端本窮源事盡在雞鳴而起時一念離真卽爲妄此
中得失寸心知

雍熙景象非難致端在冰淵不已時試驗空山最深處一
陽方動物先知

偶占二首

大塊生人豈有心氤氲卽爲身東西南北同天覆何

事拘拘問里仁

仁里誠宜託此身於今幾見里之仁嘗聞四海皆兄弟平
恕要惟責此心

鵲旦不鳴二首

至陰閉重闔長夜何時止陽回應有時守默宜可俟
寒暑運羣物動息各有攸風雨晦之夕雞鳴不自休

楊園先生全集卷之一終

楊園先生全集卷之一 詩

七

楊園先生全集卷之二

書一 師門問答

上山陰劉念臺先生書 甲申冬

敬啟祥幼罹孤蹇不知學問之道二十餘稍聞先正緒論
則竊說之然未知所從事也既而得龍谿先生集與朱文
公近思錄而讀之始知聖賢之果有可爲由是習見習聞
及身之所行日有愧悔所謂天誘其衷不自終於陷溺也
己卯之秋忽有悟於志氣之義以爲志帥氣則爲君子氣
勝志則爲小人繇是日用之間每求志之所以帥氣者至
庚辰於陽明先生所言良知體之較切氣旋覺有退聽處
楊園先生全集卷之二 書一

又一年偶有見於人品之有君子小人與治術之有王霸
其辨只在誠僞而於孟子所謂怵惕惻隱爲誠內交要譽
惡聲爲僞以是自省自考惟恐其入於僞而不進於誠也
壬午讀濂溪集則求所謂主靜之說得之白沙之言動亦
靜靜亦靜無將迎無內外心知其然然亦未能親切也今
歲春得見夫子不以祥之不肖不足以辱至教反覆欣誨
誠哉天地父母之心惟恐一物之不得其生成一子之弗
克肯構也且於祥所出以質之夫子者多見許可益勉以
弗生退阻臨行諄諄復以體認動而無動靜而無靜爲言
退而思之渙若發蒙於前所謂志帥致知立誠主靜種種

功夫一旦會歸於一真有怡然理順之樂祥雖至愚以十有餘年孜孜矻矻稍得尺寸之益以庶幾自列於人數以見可於君子忍不及此壯強益加努力以期至於君子而不至於小人乃以自棄哉是以拜別以來無日不體此意必求無負於夫子之教雖無大益亦幸無甚損謹以數月之間所竊有得而不敢自以爲是者錄如別帙其所疑而不敢不問亦錄一二如別帙進之左右幸夫子詳以命之外知本要義一冊呈上石經大學未得刻本異時覓得當嗣進也歲暮旅瑣不能遠行來春恭趨闕里侍教不盡

別帙一

楊園先生全集

卷之二 書一

二

五月初傳聞先帝之變祥竊意夫子當卽於此時赴留都與立君討賊之議如唐李泌之至靈武故友朋之東歸者祥更不致書左右及聞夫子入朝乃在八月祥不能無疑既聞入朝以後道旣不行事無可爲竊意夫子卽當拂衣以歸而夫子去位又在十月祥又不能無疑二者或亦孔子可以速則速之義而夫子則俱遲遲意祥之所見抑亦小丈夫悻悻之類而夫子固自有道乎孔子曰無行而不與二三子祥敢有請

別帙二

自昔相傳惟古本大學程子疑有錯簡故爲分經傳而朱

子述之陽明先生欲去章句而復古本其意蓋以尊經也石經大學不知其源流所自固已不能無疑而高氏又有知本要義之論後有作者惡知不更有所更張乎是則大學一書將爲古今聚訟之端也祥竊謂古本自屬舊傳而程朱章句固自可尊可信石經失其所傳似未可盡信雖曰秦漢以後三代帝王之書率多訛舛學者信諸其理不必泥諸其文然古本章句並行雖無石本大學之理已自昭若日月非有所闕無俟石本而後備也與其表而章之而不免於後人之惑不如闕疑亦爲不失尊經之意祥按夾漈鄭氏曰石經之學始於蔡氏秦火之後經籍初出諸

楊園先生全集

卷之二 書一

三

家所藏傳寫或異箋傳之儒皆憑所見更不論文字之訛謬邕校書東觀奏求正定六經靈帝許之乃自爲畫而刻石於太學門外後儒晚學咸所取正奈當漢之末祚所傳未廣而兵燹無存後之人所得者亦希矣今之所謂石經者但刻諸石耳多非蔡氏之經又按石經周易晁氏曰僞蜀廣政辛亥孫逢吉書廣政孟昶年號也說卦乾健也以下有韓康伯註略例有邢璣註此與國子監本不同者也以蜀中印本較邢璣略例不同者又百餘字詳其意義似石經誤而無他本訂正姑兩存焉由二家之說觀之則石本大學或亦未是蔡氏之經而亦不能無訛若使果爲蔡

民本程朱時何以不出况程朱於古之遺經博求廣論莫不敬慎精詳又非窮鄉末學淺見寡聞者比也竊謂石本直可闕之不論夫子以爲於義有當否

附劉先生復書 乙酉春

里人還領手教識垂念惓惓老人近狀無似無可舉以報知己者出處之際撫今追往轉有不自得於心者奄奄餘生何處是投死之地何時是夕死之期念之不禁於邑耳別示新功小著知向道之功大都反躬近裏者便是眞實諦義政不必問其言之工拙得失也更勉而不已日有就月有將斯可矣僕老病入山新春少還了

楊園先生全集 卷之二 書一

四

歲事茲且復裏糧爲長往計朋遊概絕屬有見訪之示萬祈中止昔人云尊所聞行所知足矣老人亦頗苦應酬恃道誼之愛必能諒我知交中幸概以此意相致望望今乾坤何等時猶堪我輩從容擁臯而講道論學乎此所謂不識人閒羞恥事者也僕是以入山惟恐不深求死惟恐不速矣風便布聞并函來稿希照不盡縷縷錢字虎不及啟乞致聲并道書中意弟名正具冲

別帙

國難初聞投死無地進既不足與有爲退亦不足明守故前後兩事遲遲皆不得已也李鄴侯之至靈武託至

尊有布衣交也若彼時君臣之義未定而先事呈身幾何而不同近日時賢之所爲乎三宿出晝僕蓋學焉而未遑總之立身未敢望古人萬一不過守其硜硜之見云耳撫今追昔百感環生

石經授受未明似不當過於主張闕疑之見良是但愚意大學之教總歸知本知本歸之知止已經景逸諸公拈出卻不知誠意一關正是所止之地靜定安慮總向此中討消息初經僕看出因讀石經不覺躍然頗謂斷非蔡中郎所能勘定况豐南禺先生乎學者得其意可也

楊園先生全集 卷之二 書一

五

復古本是姚江一種私意大指只是排黜程朱以伸己說耳今試虛心熟玩大學之書謂文無闕終不可也謂簡無錯終不可也謂經傳辭氣無異終不可也則知章句之爲功不小矣石本自是近代人所作僞本先生後來亦病其割裂不復主張矣庚子中夏履祥識 病其割裂不復主張問之世兄伯繩云亦載年譜

與朱靜因 甲申冬

祥春初見夫子道德之深與兄翁所養之純粹退而自喜竊以爲子由之見黃河不是過也所聞至教不敢一日去諸於懷但以離索之中知過不能改又苦不知見道不

能行又苦罕見所幸此心不忍自棄時時省察私心以爲自此以往或得不負夫子當以此也祥近讀先正之書所三復不忘於日用功夫最爲切要者獨有數語其一曰但得心存斯是敬莫於存外更加功其一曰冬至子之半天心無改移一陽初動處萬物未生時其一曰思慮未起鬼神莫知不由乎我更由乎誰其一曰獨立孔門無一事只留主敬是功夫其一曰百般補養皆虛僞只有操心是要規其一曰惟灑落有壁立萬仞之氣象惟果決有精金百鍊之眞修兄翁以爲祥之所見較之春初進退何如敢因兄翁以質諸夫子伏惟詳賜示復本期秋間東渡更聆大

楊園先生全集

卷之二 書一

六

訓不謂時事忽多變裂念之流涕非獨祥言之無實也

與俞廣之

甲申冬

春初獲接有道則弟已將行矣未盡歎曲於今每念德隅未嘗不翹首東望也別後知仁兄道日高似弟孤落何可言何可言方今天下多變人心胥溺君父之大尙非所知其不夷狄禽獸者幾希矣原其始皆由學術之不正生平所志惟有富貴利達一途自己身心性命反以爲迂而置之不求是以一經變故萬事瓦裂也仁兄以忠信之資兼以虛誠之懷努力進取於古之所稱聖若賢者駟馬輕車未足方其易耳况近在闕里必子師資正復不少豈若

弟之年長習深寂寥里黨恆苦索居難以振起哉自古聖賢多生亂世天地之心至於剝之上九便有來復之幾豪傑生此動心忍性以爲斯道之寄殆此日也劉夫子近時所論仁兄與問必眾或能廣以相貺否臨書神馳不已

與王紫眉

甲申

春初弟得見夫子道德之高深與諸兄翁人文之雄傑歸思頓忘徒以授書之席不能久虛遂爾言復於今每念與兄翁暨北生諸兄河橋拜別情誼依依未嘗不引領而東也秋間公簡兄至云兄翁將枉道敝里弟與二三兄弟擁簪者屢矣不謂遂虛此緣也夫子道大莫容拂衣東歸比

楊園先生全集

卷之二 書一

七

來德體安否弟目察人事將來鄉國必難苟安擬欲挈妻子而行卜居於夫子所居之山十數里而近讀書學道積一二十年以待天下之清庶于胸中不爲無據貧薄殊等不能出戶時與公簡兄論此莫不以有志未逮爲歎息也兄翁學可匡時非弟迂疎之比敢問於今出處進退當以何者爲正夫子比者所論兄翁必稔聞之萬惟廣以相貺臨楮翹切玄趾北生天若諸兄均此道意

與劉伯繩

壬辰冬

仁兄敬承家學爲海內宗仰似弟謏劣又年近衰暮去日苦多宜歲歲渡江請益稍自振拔今年春乾初仲木兩兄

陪先師春祀弟准擬秋間一行竟以勢不能出而止愧負實多一年之別兄之進德已深何以教我仲彞兄慨然欲繼其兄之學開美當爲含笑入地今欲於龍山書室奉祀先師而配以開美然必告之仁兄而後行事敬之道也仲木兄七月閒書至託弟致言因弟行不果至今未達仲木之愛兄可謂至矣今吳使至弟適病數日氣力甚憊謹以原書入函附覽外微物二件將意希鑒不一

答陳乾初 丁酉

接讀手教稔知閭門康福喜慰無任弟於孤危之日幸舉一子凡知交厚德莫不爲喜鄉里親舊亦莫不然雖弟何

楊園先生全集 卷之二 書一

八

敢不喜然愛懼方深耳先人之後惟兄子一人十九而殤第二十至三十嘗生男子三人俱不長育今正如就顛之木方有由彙此可愛也愚兄弟幼失先人是以無所教訓冥行多過甚忝所生然先人舉愚兄弟未踰三十耳每見世之遲暮得子多至失教以覆墜厥世貽笑於人弟年力如許豈有望乎此可懼也往時恆苦暑氣作病今年尤甚三伏以來書冊不能親酬應極厭倦一日之中臥多於坐自知根本之衰非特時令之感也近念仁兄疇昔兄弟同居之教將以涼秋稍葺故居率妻子仍返楊園但不能無費一番經營爲力愈誦耳哀仲兄學問想其益進春仲寄

來丙申筆記一帙讀之真吾輩畏友也仲木家室遷入澈城不審安否二子讀書氣色如何百里之隔聲問斷絕仁兄知之必詳便閒幸以示慰吾人生於學絕道晦之日目前朋友真有朝聞夕死之志者要無幾人大率祇如朱子所言既欲不失賢人君子之名又欲不失安富尊榮之實耳至於誠心嚮此而又不能無學術同異之辨此道之以益晦而學之往往而絕也當此惟有在事物則精心而察理在古人則篤信而敬求在朋友則虛己以聽受然而氣拘物蔽隨感而有於道茫乎未之有當也弟向讀龜山先生集見其所言道廢千載士大夫溺於異端之習久矣

楊園先生全集 卷之二 書一

九

天下靡然向風莫知以爲非士志於道者非見善明用心剛往往受變而不自知此習俗之移人甚可畏也若夫外勢利聲色不爲流俗詭譎之行以爲不受變於俗則於學者未足道也爲之憬然於心竊以爲今之靡然向風者非王氏之學乎且未論受其變移何如卽所謂外勢利聲色不爲流俗詭譎之行若隱微之際果能一一推勘得過乎前所進規挾賢挾長之語亦非第一日之見與一人之私也平日竊效責善之義而不足以回兄之聽疑其有是而不敢信然則以仁兄前後筆劄出以商之同志之友同志之友咸謂有之故盡言而不諱也卽養生送死一論於世